

Քեչիչ-Քենդ—Գորիս գիծը: Մի խումբ հայ դրամատէրեր ծրագրում էին Վեզի-Բասարի շրջանում հիմնել ցեմենտի և կրի գործարաններ: Մէկ ուրիշը՝ ատաղձի, շէնքի փայտեղէն մասերի գործարան Սարըզամիչում:

Յունիսի վերջերին մի խումբ հայ և օտար դրամատէրերի կողմից Երևան եկաւ ինժ. Կ. Ս. Արդութեան-Երկայնարագուկը՝ խնդրելու համար Բաթում—Կարս—Սարղարապատ երկաթուղի անցկացնելու իրաւունքը: Հայերից յիշեալ խմբի մէջ մտնում էին Ռոստով-Նախիջևանցի ու Մոսկովցի յայտնի հայ դրամատէր Ժամհարեանը, Կայեալեանը, Քիստեանը, Խըրմա-ճեանը և ուրիշներ:

Արդութեանի ներկայացրած պայմանագրի էութիւնը հետեւեալն էր.— Ընկերութիւնը, սեփական միջոցներով, առանց կառավարական նպատի, պէտք է կառուցանէր ելեքորաչարժ երկաթուղի, որը պիտի սկսէր Բաթումից կամ Հայաստանին տրւելիք որևէ նաւահանգստից, անցնելու էր Ճորոխի ձախ ափով, ապա՝ Օլթի գետի հովտով, Փենեաք գետի հովտով, Օլթիի ածխահանքերի մօտով, կտրելու էր Կարս—Սարըզամիչ երկաթուղին Սելիմ կայարանի մօտ և անցնելով Զարարխանա ոսկեհանքերի ու Զրոնիսի հանքերի և Կաղզանի ու Կողբի աղահանքերի մօտով՝ միանալու էր Ալեքսանդրապոլ—Երևան երկաթուղաղծին, մօտաւորապէս Սարղարապատ կայարանում:

Այսպիսով, բացելու էր նոր ճանապարհ Սև ծովից դէպի Թաւրիզ, Երևանի վրայով, որը շուրջ 250 վերստով լինելու էր աւելի կարճ, քան Բաթում—Թիֆլիս—Զուլֆա—Թաւրիզ երկաթուղին: Տնտեսական տեսակէտից ճանապարհը պիտի ունենար անաղին նշանակութիւն. պարսկա-եւրոպական թրանզիտը ամբողջապէս Վրաստանից պիտի անցնէր Հայաստանին:

Ներկայացւած պայմանագրի համաձայն պէտք է երկու տարի ժամանակամիջոց տրւէր հետախուզական աշխատանքների և երկաթուղագծի ու ելեկտրակայանների նախագծեր պատրաստելու համար: Ապա, չորս տարւայ ընթացքում, պէտք է շինէր ու շարժման մէջ դրէր երկաթուղին իր ամբողջ սարքով: Շարժիչ ոյժ ստանալու համար պէտք է օգտագործէին Ճորոխ, Արաքս, Ախուրեան և Հրազդան գետերը, որոնցից ստացելիք ելեկտրականութիւնը, երկաթուղուց դատ, պէտք է բանեցնէր ուրիշ նպատակների համար էլ:

Պայմանագրի նախագծի համաձայն երկաթուղու ամբողջ հասոյթի 10%ը պէտք է տրւէր պետութեան, ինչպէս նաև ելեկտրակայանների 15%ը: Ելեկտրական ոյժը վաճառւելու էր կիլոուատ-ժամը 4 ոսկի կոպէկով, իսկ արդիւնաբերական, զիւղատնտեսական և այլ տեխնիկական կարիքների համար՝ 3կ.: Պայմանագիրը կնքւելու էր 55 տարով: 30 տարի անցնելուց յետոյ կառավարութիւնը իրաւունք պիտի ունենար գնելու ամբողջ ձեռնարկութիւնը՝ երկաթուղին ու ելեկտրակայանները: Այդ պարագային, կառավարութիւնը պէտք է վճարէր մնացած տարիներին կոնցեսիոններների ստանալիք օգուտի միջինը: Պայմանագիրը ստորագրելիս ընկերութիւնը